

Meeqqanut, Naligiissitaanermut, Akuliutitaanermut Isumaginninnermullu
Ministereqarfik
Ilaqtariit Inatsiseqartitaanerat pillugu Allaffeqarfik
J.nr. 2012-5209 / 1th
16. december 2014

MISSINGIUT

Aappariilersarneq aappariigunnaartarnerlu pillugit inatsisip allannguutaa pillugu inatsisip, aappariinnerup inatsisitigut sunniuteqartarnera pillugu inatsisip aamma eqqartuussisarneq pillugu inatsisip aamma nalunaarsukkamik inooqatigiinneq pillugu inatsisip atorunnaarsinneqarneranik inatsisip Kalaallit Nunaannut atuutilersinneqarnerinik peqqussut pillugu eqikkaaneq

(Inuit marluk suaassuseqatigiit akornanni aappariilersarneq)

1. Aallaqqaasiut

Namminersorlutik Oqartussat noqqaassutigisaannik ilaqtariit inatsiseqartitaanerata nalimmassaavigineqarneranut ilaatillugu inuit marluk suaassuseqatigiit aappariilertarneranni maleruagassat Kalaallit Nunaannut atuutilersinneqarput.

Inuit marluk suaassuseqatigiit aappariilersinnaanerata Danmarkimi atuutilersinneqarpoq aappariilersarneq aappariigunnaartarnerlu pillugit inatsisip allannguutaa pillugu inatsisikkut nr. 532, 12. juni 2012-kkut, aappariinnerup inatsisitigut sunniuteqartarnera pillugu inatsisikkut aamma eqqartuussisarneq pillugu inatsisikkut aamma nalunaarsukkamik inooqatigiinneq (inuit marluk suaassuseqatigiit aappariilersarnerat) pillugu inatsisikkut.

Maleruagassat taakkua atuutilersinneqassappata inatsisit makku allangortinneqartariaqariaqarput: aappariilersarneq aappariigunnaartarnerlu pillugit inatsit, peqqussutikkut nr. 307, 14. maj 1993-imeersukkut atuutilersinneqartoq allangortinneqartorlu peqqussutikkut nr. 321, 26. april 1996-imeersukkut (kingorna aappariilersarnermik peqqussut, aappariinnerup inatsisitigut sunniuteqartarnera pillugu inatsisit, inatsisikkut nr. 150, 31. marts 1993-imeersukkut Kalaallit Nunaannut atuutilersinneqartoq (kingorna Kalaallit Nunaanni inatsisitigut sunniutit pillugit inatsit) aamma nalunaarsukkamik inooqatigiinneq pillugu inatsisip Kalaallit Nunaannut atuutilersinneqarnera pillugu peqqussut nr. 320, 26. april 2009-imeersup atorunnaarsinneqarnera, nalunaarsukkamik inooqatigiinneq il.il. pillugit inatsisip Kalaallit Nunaannut atuutilersinneqarneranik peqqussutikkut nr. 375, 15. maj 2009-meersukkut allangortinneqartoq (kingorna inooqatigiinnermik peqqussut).

Aappariinneq pillugu peqqussummi aamma inatsisit sunniuteqalernerat pillugu inatsimmi allannguutit inatsisikkut naammassineqassapput, tak. oqartussaasut pillugit inatsisip Kalaallit

Nunaannut atuuttup allanngortinneqarnera pillugu inatsisissatut siunnersuut, aappariilersarneq aappariigunnaartarnerlu pillugu inatsisip atorunnaarsinnera pillugu Kalaallit Nunaannut inatsit, eqqartuussisarneq pillugu Kalaallit Nunaanni inatsit aamma inatsisit allat assigiinngitsut (Angajoqqaatut akisussaaneq pillugu inatsisip Kalaallit Nunaannut atuutilersinnerata malitsigisaanik allanngortitsinerit (angajoqqaat akisussaaneq pillugu inatsit, meeqqanik aallarussineq pillugu inatsit il.il.) aamma suaassuseqatigiit inuit marluk akornanni aappariilersarneq pillugu inatsit).

2. Inatsisit atuuttut – aappariittut nalunaarsorsimaneq pillugu peqqussut

Nalunaarsukkamik inooqatigiinneq pillugu maleruagassat Kalaallit Nunaannut atuuttut nalunaarsukkamik inooqatigiinneq pillugu peqqussummi nassaarineqarsinnaapput. Peqqussut malillugu inuit marluk suaassuseqatigiittut nalunaarsukkamik inooqatigiinnertik nalunaarsortissinnaavaat. Nalunaarsukkamik inooqatigiinneq aallaaviatigut aappariittut inatsisitigut sunniuteqarpoq, inatsimmilu aalajangersakkat, aappariinnermut tunngasut, taamaaqataanik nalunaarsukkamik aappariinnut atorneqassallutik.

Aappariinneq pillugu peqqussummi aappariilertarneq pillugu maleruagassat taamaaqataanik nalunaarsukkamik inooqatigiinnut atuutissapput, oqaluffimmi katinneq pillugu maleruagassat ilanngunnagit, aamma aappariinneq pillugu peqqussummi aamma eqqartuussisarneq pillugu inatsimmi Kalaallit Nunaannut atuuttumi averuserneq avinnerlu pillugit maleruagassat taamaaqataanik nalunaarsukkamik inooqatigiinnerup atorunnaarsinnerani atuutissapput.

3. Inuit marluk suaassuseqatigiit akornanni aappariinneq

Inuit marluk suaassuseqatigiittut akornanni aappariinneq pillugu Danmarkimi maleruagassat qulaani taaneqartutut inatsit nr. 532, 12. juuni 2012-meersumi nassaarineqarsinnaapput. Inatsimmi tassani allanngortitsineri aappariinneq pillugu inatsimmi § 1 nutaaq ikkunneqarpoq, tassani aalajangersarneqarluni inuit marluk assigiinngitsunik suaassuseqartut aamma inuit marluk assigiimmik suaassuseqartut akornanni aappariinnut inatsit atuuttoq.

Inatsisit sunniutaat pillugu inatsimmi aalajangersakkamik ikkussisoqarpoq, tamatuma kingorna danskit inatsisaanni aalajangersakkat, aappariinni aappaasup taassuma suaassusianik aalajangerneqartoq pillugu immikkut maleruagassanik imaqartoq, inuit marluk assigiimmik suaassusillit akornanni aappariinni atorneqassanngilaq. Aammattaaq nunani tamalaani isumaqatigiissutini aalajangersakkat inuit marluk assigiimmik suaassusillit akornanni aappaariinni atunngillat, isumaqatigiissummi peqataasut tamatumunnga akuersisimannngippata.

Nalunaarsukkamik inooqatigiinneq pillugu inatsit atorunnaarsinneqarpoq, inatsilli aappariinnut 15. juuni 2012 sioqqullugu nalunaarsorneqarsimasunut sulii atussalluni.

Kiisalu aappariinneq, nalunaarsukkamik inooqatigiinneq pillugu inatsit malillugu aappariilersimasut, aappariit kissaateqarnerisigut katissimalluni aappariinnertut kommunalbestyrelsimit allanngortinneqarsinnaavoq.

4. Peqqusutissamut missingiut

Peqqussutissatut siunnersuutikkut aappariinnermik peqqussummi aalajangersakkamik nutaamik ikkussisoqarpoq tamatumalu kingorna inuit marluk assigiingitsunik suaassusillit aamma inuit marluk assigiimmik suaassusillit aappariilerneranni peqqussut taanna atorpeqassaaq.

Tamatumunnga peqatigitillugu peqqussutissamut missingiutikkut nalunaarsukkamik inooqatigiinneq pillugu peqqussut atorunnaarsinneqarpoq, taannali ulloq 1. oktober 2015 sioqqullugu inooqatigiittut nalunaarsorsimasunut sulii atuutissalluni.

Nalunaarsukkamik inooqatigiinneq pillugu inatsit malillugu Kalaallit Nunaanni inooqatigiilersimasut aappariit kissaateqarnerisigut aappariinnertik kommunalbestyrelsimi siulittaasumit imaluunniit Naalagaaffiup sinniisuanit allanngortissinnaavaat, tak. aappariinneq pillugu peqqussummi § 16, imm. 1.

5. Atuutilersitsineq

Inuit marluk assigiimmik suaassuseqartut akornanni aappariinneq pillugu inatsisip atuutilersinneqarnerata kingunerisaanik tamatuma Kalaallit Nunaanni inatsisitigut sunniutaata allannguutaa inatsisissatut siunnersuutikkut oqaaseqatigiinni siullerni taaneqartutigit pivirusunngortinneqassaaq. Inatsisissatut siunnersuut taanna 1. oktober 2015-imi atuutilersinneqassasoq siunnersuutigineqarpoq. Peqqussut piffissattaq taamaalinerani atuutilissaaq.

6. Tusarniaaneq

Inatsisissatut siunnersuummut innersuussisoqarpoq, tak. oqaaseqatigiit siulliit.